

謂據廣州英領事電告中歷五月念六日英輪其昌在距省九英里地方被劫四百餘元應請電飭廣東地方官速緝賊匪並按照所開清單立即照數賠償若不速行照辦即電達本國政府自行辦理等因外務部以粵省西江一帶劫案迭出該使屢以英政府自派巡輪為辭藉藉端干預內政此案雖所失甚細自應迅緝匪犯並照數追贖俾免藉口已電護粵督胡方伯查照矣(此則略見專電)

議准陝甘汴三省合辦鐵路 ○陝撫曹中丞前奏請聯合河南甘肅二省籌辦陝西鐵路奉 旨交郵傳部議奏現據復奏以陝西修築鐵路籌款維艱若能由甘汴二省合力經營可以早日告竣自應准其變通辦理云云已奉 旨依議

農工商部奏設農務總會 ○農工商部以中國振興實業宜先從農務講求日前特奏陳請先在保定地方設立農務總會俟辦有成效再推行各處各省一律設立分會以期整頓農政已奉 旨依議

法部大理院會奏核議大理院官制摺

(前略)臣等伏思司法職權與行政分立歐美各國其始創諸學說其後即見諸行咸以此為憲法之要義故西人所謂裁判權者雖以司法之一端而獨立不羈即外國僑寓之臣民莫不俯首就治法權所在主權繫焉其關係極為重要今者 皇太后 皇上採擇憲政以臣院專司審判凡一切組織機關必符各國立憲之精神乃成一代完全之制度臣等查閱官制清單於院以下設推事推官分辦刑民刑審判事項設書記錄事分辦文牘及庶務事項附司直一廳設總司直及司直辦檢察證及調度司法警察事項原擬擬掌事宜及員司各缺大抵遠師德法近仿東瀛其官稱則參以中國之舊制亦既斟酌中外得所折衷矣惟就其中細加考核似宜有一二另行增改者謹詳晰陳之查推官之名雖自有唐相傳其古然歷代皆屬外僚不繫京職考宋時大理有左右推事之稱擬改推官為推事即以通行內外審判衙門以符裁判獨立之義司直官稱亦緣古制惟名義近於台諫尙與事實不符擬改總司直為總檢察官承司直為檢察官庶核實名人人易知其職守書記即古之記室日本取之為文書署之通制今中國各部院並無此官近日民政等部奏設三等書記其品秩亦不相同似應酌行變通以資淆混考明初大理寺有都典簿一官簿罪簿囚皆簿記事也近今翰林院有典簿從前太僕鴻臚皆有主簿其制似古擬改一等書記官為都典簿二等書記官為典簿三等書記官為主簿既得還中國之舊觀亦不礙外國之職制此名稱之應行的改者夫民生有飲食即有訟獄為之裁判者操三尺法以從事繫國家之威權下關民庶之生命其職任綦重其辦理亦綦難臣院既設最高審判則民刑訟案自應酌量分庭亦足以專責成而杜濫卸查原單刑科推官擬設十四人刑科推官擬設十人自係取外國合儀制度意以民刑各分二庭刑事以七人為一庭民事以五人為一庭也然則辦一院之事而各庭人數不一未免參差且刑事本親民事為繁以管理全國上控之區兼有自理詞訟僅擬分立二庭小虞人不敷用臣等公同商酌擬分刑民事為四庭民事則仍用二庭各設推事五人秩視各部之郎中其第一庭則各以推承為之長統計刑科設推事十九人合推承為二十人刑科設推事九人合推承為十人分配既無虞其不均即體制仍無仿于合儀此員缺之應行酌增者若夫現審案犯其人既未定罪其事又未便取保勢必有羈禁之所以便法庭之訊訊外國所謂未決監禁也臣院理宜附設一區擬實名之曰看守所設所長一員所官四員此又原單所未提議臣等因關係審判不得不籌及之者也至典簿主簿及錄事各員則酌量臣院情形一律擬定缺額餘悉如原單所定倘仍有未盡事宜敬當恪遵 諭旨隨時修改以臻至善謹將臣院官制清單一件看守所官制清單一件併具陳伏乞 皇太后 皇上聖鑒訓示再此摺係大理院主稿會同軍機大臣法部辦理合併聲明謹 奏光緒二十三年四月三十日奉 旨依議欽此

定海亂事又起 ○浙甯定海廳之亂自徐仁依釋放吳吉人統領回鎮後風潮又起徐仁依回鄉初八日即在紫微莊老東嶽宮議事

一仍欲入城要挾二欲推拿七餘人以洩憤二欲勒令各莊富戶出錢幫助小沙莊派幫五千金該莊人不允已被亂民打毀房屋數處初九日白泉又有亂民鳴鑼聚眾向紳富家滋擾毆傷二人死一人廳署得報立刻派兵前往彈壓此外如沈家門等處皆有拆毀學堂之說人心異常張皇

定海紳民僉謂有鎮海劣紳王太史去年受徐仁依賄四千金故徐敢如此狂妄此次鄉民聚眾入城亦由王指使因而吳統領領釋徐後並不拿辦滋事之首要亦疑受王請托所致故日前怨徐鎮之坐視不管者今則怨吳統領之不顧大局矣

批示英商在寶山設公司事宜 ○英商資基硝皮公司設在寶山縣內地與約不符前經滬道瑞觀察稟請江督核辦茲經瑞帥批示如下 查租界外地方向不准洋商開設行棧今英商資基硝皮公司既在寶山縣境係屬租界以外自應商令遷回以符約章查核該道先後照商辦法其屬妥洽候據情咨請外務部設法商阻仰仍切實妥商辦理務以早日遷移為要摺摺存

正誤 ○昨日日本報第一張第三第四兩版前後倒置特為正誤

各埠新聞

衍聖公調查學務 ○曲阜衍聖公孔令貽於日前晉省等情曾示昨報現悉上公此次來濟南係奉命調查山東全省學務現已由朱學使益藩通飭各屬趕造大小學堂冊報以便轉呈察核

通飭鑿井防旱 ○山東天氣燥烈已成旱象近有梁貳尹純仁具稟東撫請飭民間每於田七八畝開鑿井一口以便防旱聞楊運帥頗為嘉許已通飭各屬照辦

祈雨得雨 ○東撫楊運帥以濟南苦旱步禱無效日前特親乘火車至勞山祈禱翌日即雨惟未幾即止故農民尙頗以為憾云

閩藩赴皖消息 ○閩藩連方伯奉 旨調補皖藩現已稟請上峯暫將篆務交朱廉訪代理當邀允准日內即可啓行矣

又獲賣猪仔要犯 ○閩函云販賣猪仔疊經查禁自王奇年就獲後刻又獲劉一清到案此外尚有翁松郵一名正在購線緝捕惟聞當道辦理此案擬將來處以罰鍰之罪聞垣紳商學界因是會議皆以罰鍰不足蔽辜竊真閩邑尊按律懲究以儆效尤

護川督趙季帥批趙淵稟文 (為訊辦逆弁趙海成事)

據稟趙海成等妄聽訛言糾眾私逃膽敢拒斃管帶實屬異常不法既經拿獲訊明與毀炮黨逆之陳占榮等倡言散隊之陳寶均等造謠煽變之駱成祥一併軍前正法應與格斃之閻子倫等併毋庸議余煥章陳慶元吳占奎三名雖繳槍在先而投首較後顯係存觀望亦應如稟遞回原籍各監禁三年限滿察看核辦一面仍飭緝在逃之張海廷等連槍務獲究報槍弁馮海江張玉龍陳國本應予各記大功三次管帶都司許志霖戰功夙著今又因公被戕實堪憫惻應候奏請優恤以慰忠魂而昭觀感云云(下略)

商會銷場 ○川函云自省垣舉行商業勸工會後於是各州縣接踵而起今年彭縣初次舉辦商會百貨駢集游人亦盛刻下會場已舉計銷出土產貨物值一萬三千餘金外貨值二萬七千餘金觀此則土貨之改良真不容緩矣

議辦水面警察 ○湘潭縣任天令於日前會集紳耆在本城火官殿籌辦水面警察購置輕便小划四艘每艘派撥唐興寺團防局團丁四名為管駕另派警察卒業生一人當管巡務上自楊梅洲下至易承灣遊巡河面容侯章程議妥即當開辦